

"Психикалық денсаулық саласында медициналық-әлеуметтік көмек көрсетудің кейбір мәселелері туралы" Қазақстан Республикасы Денсаулық сақтау министрінің 2020 жылғы 25 қарашадағы № ҚР ДСМ-203/2020 бұйрығына өзгерістер енгізу туралы

Қазақстан Республикасы Денсаулық сақтау министрінің 2025 жылғы 4 қарашадағы № 135 бұйрығы

БҰЙЫРАМЫН:

1. "Психикалық денсаулық саласында медициналық-әлеуметтік көмек көрсетудің кейбір мәселелері туралы" Қазақстан Республикасы Денсаулық сақтау министрінің 2020 жылғы 25 қарашадағы № ҚР ДСМ-203/2020 бұйрығына (Нормативтік құқықтық актілерді мемлекеттік тіркеу тізілімінде № 21680 болып тіркелген) мынадай өзгерістер енгізілсін:

көрсетілген бұйрыққа 1-қосымшамен бекітілген психикаға белсенді әсер ететін заттарды тұтынумен байланысты психикалық, мінез-құлықтық бұзылушылықтары (аурулары) бар, өздеріне қатысты психикалық денсаулық саласында медициналық көмек көрсететін ұйымға жолдама беру қолданылмайтын адамдардағы медициналық қарсы көрсетілімдердің тізімі осы бұйрыққа қосымшаға сәйкес жаңа редакцияда жазылсын.

2. Қазақстан Республикасы Денсаулық сақтау министрлігінің Медициналық көмекті ұйымдастыру департаменті Қазақстан Республикасының заңнамасында белгіленген тәртіппен:

1) осы бұйрық қабылданған күннен бастап күнтізбелік бес күн ішінде оның қазақ және орыс тілдеріндегі электрондық нұсқасын ресми жариялау және Қазақстан Республикасы Нормативтік құқықтық актілерінің эталондық бақылау банкіне енгізу үшін Қазақстан Республикасы Әділет министрлігінің "Қазақстан Республикасы Заңнама және құқықтық ақпарат институты" шаруашылық жүргізу құқығындағы республикалық мемлекеттік кәсіпорнына жіберуді;

2) осы бұйрықты Қазақстан Республикасы Денсаулық сақтау министрлігінің интернет-ресурсында орналастыруды қамтамасыз етсін.

3. Осы бұйрықтың орындалуын бақылау жетекшілік ететін Қазақстан Республикасының Денсаулық сақтау вице-министріне жүктелсін.

4. Осы бұйрық алғашқы ресми жарияланған күнінен кейін күнтізбелік он күн өткен соң қолданысқа енгізіледі.

*Қазақстан Республикасының
Денсаулық сақтау министрі*

А. Алыназарова

*Қазақстан Республикасының
Денсаулық сақтау министрі*

2025 жылғы 4 қарашадағы
№ 135 бұйрығына
қосымша
Қазақстан Республикасы
Денсаулық сақтау министрінің
2020 жылғы 25 қарашадағы
№ ҚР ДСМ-203/2020
бұйрығына 1-қосымша

Психикаға белсенді әсер ететін заттарды тұтынумен байланысты психикалық, мінез-құлықтық бұзылушылықтары (аурулары) бар, өздеріне қатысты психикалық денсаулық саласында медициналық көмек көрсететін ұйымға жолдама беру қолданылмайтын адамдардағы медициналық қарсы көрсетілімдердің тізімі

№	Аурулар	Аурулардың халықаралық жіктелуі бойынша коды -10
1-тарау. Туберкулез		
1	Деструктивтік және бациллярлық нысандары бар туберкулез	A15 - A19
2-тарау. Көбінесе жыныстық жолмен берілетін инфекциялар		
2	Мерездің кеш нысандары	A52
3-тарау. Адамның иммун тапшылығы вирусынан (АИТВ) туындаған ауру		
3	Адамның иммун тапшылығы вирусынан (АИТВ) туындаған, қатерлі ісіктер түрінде, терминалдық сатыда, көптеген аурулардың көріністерімен пайда болатын ауру	B20 – B24
4-тарау. Қатерлі ісіктер		
4	Қатерлі ісіктер	C00 - C97
5-тарау. Қан, қан өндіру ағзаларының аурулары және иммундық механизмді қамтитын жеке бұзылулар		
5	Декомпенсацияның орташа және ауыр дәрежесіндегі иммундық механизмді тартатын қан, қан өндіру ағзаларының аурулары және жекелеген бұзылулар	D50 - D89
6-тарау. Эндокриндік жүйе аурулары, тамақтанудың бұзылуы және зат алмасудың бұзылуы		
6	Уытты емес зобтың басқа түрлері	E04
7	Тиреотоксикоз [гипертиреоз]	E05
8	Комамен инсулинге тәуелді қантты диабет	E10.0
9	Кетоацидозбен инсулинге тәуелді қантты диабет	E10.1
10	Көптеген асқынулары бар инсулинге тәуелді қантты диабет	E10.7
11	Комамен инсулинге тәуелсіз қантты диабет	E11.0

12	Кетоацидозбен II типті қантты диабеті	E11.1
13	Көптеген асқынулары бар инсулинге тәуелсіз қант диабет	E11.7
7-тарау. Психикалық және мінез-құлықтық бұзылушылықтар		
14	Тамырлы деменция	F01
15	Басқа бөлімдерде жіктелген анықталған басқа аурулардағы деменция	F02.8
16	Анықталмаған деменция	F03
17	Алкогольге немесе басқа психикаға белсенді әсер ететін заттарға байланысты емес органикалық амнестикалық синдром	F04
18	Органикалық галлюциноз	F06.0
19	Органикалық кататоникалық бұзылушылық	F06.1
20	Органикалық сандырақтық (шизофренияға ұқсас) ауруы	F06.2
21	Мидың ауруы, зақымдануы және дисфункциясы салдарынан басқа органикалық тұлғалық және мінез-құлықтық бұзылушылықтары	F07.8
22	Делириймен алкогольдік абстиненттік жағдай	F10.4
23	Шизофрения - үздіксіз және ұстамаға ұқсас прогрессивтік ағым типі бар, (тұрақты) жеке басының кемістігі бар барлық түрлері	F20
24	Басқа созылмалы сандырақтық бұзылулар	F22.8
25	Шизоэфективті бұзылулар	F25
26	Психотикалық белгілері бар маниакалдық эпизод	F30.2
27	Биполярлық аффективтік бұзылулар	F31
28	Психоз симптомдары белгілері бар ауыр депрессиялық эпизод	F32.3
29	Көңіл-күйдің қайталанатын депрессиялық бұзылуы	F33
30	Жеңіл, орташа және ауыр ақыл-ой кемістігі	F7
8-тарау. Нерв жүйесінің аурулары		
31	Негізінен орталық нерв жүйесін зақымдайтын жүйелік атрофиялар	G10 - G13

32	Экстрапирамидалық және басқа да қозғалыс бұзылулары	G20 - G26
33	Нерв жүйесінің басқа дегенеративті аурулары	G30 - G32
34	Орталық нерв жүйесінің демиелинизациялық аурулары	G35-G37
35	Эпизодтық және пароксизмальды бұзылушылықтар	G40 - G47
36	Полиневропатиялар және перифериялық нерв жүйесінің басқа да зақымданулары (кодтар)	G60 - G64
37	Орталық нерв жүйесінің басқа бұзылыстары	G 96.8 G 96.9
9-тарау. Көз және оның қосалқы аппаратының аурулары		
38	Тамырлы қабық пен тордың аурулары	H30 - H34
39	Бастапқы жабық бұрышты глаукома	H40,2
40	Көру нерві мен көру жолдарының аурулары	H46 - H48
41	Бинокулярлы соқырлық	H54.0
42	Көрудің бинокулярлы жеңіл бұзылуы немесе оның болмауы	H54.3
43	Басқа менингококк инфекциялары	A39.8
10-тарау. Қанайналым жүйесінің аурулары		
44	II-III дәрежелі қанайналым бұзылған ақаулары бар жүректің созылмалы ревматикалық аурулары.	I05 - I09
45	Жіті миокард инфарктісі	I 21
46	Жіті миокард инфарктісінің кейбір ағымдағы асқынулары	I 23
47	Жүректің жіті ишемиялық ауруының басқа түрлері	I 24
48	Жүректің созылмалы ишемиялық ауруы; II-III дәрежелі қан айналымы бұзылған инфаркттан кейінгі кардиосклероз	I 25
49	Өкпелік жүрек және өкпе қан айналымының бұзылуы	I 26 - I28
50	Жүректің басқа аурулары (III-IV дәрежелі ФК-мен жүрек ырғағы мен өткізгіштігінің ауыр бұзылулары бар).	I 30 - I52
51	Жоғары қан қысымымен сипатталатын аурулар (II - III дәрежелі гипертониялық ауру,	I 10-I15

	сондай-ақ жиі криз жағдайлары бар гипертониялық ауру)	
52	Цереброваскулярлық аурулар (ми қан айналымының жіті бұзылуы және парез, паралич, афазия, атаксия құбылыстарымен ми қан айналымының жіті бұзылуынан кейінгі жай-күй), басқа да цереброваскулярлық аурулар	I 60 - I69
53	Айқын білінетін қайтымсыз трофикалық өзгерістері (некроз) және аяқ-қол функцияларының бұзылуы бар артериялардың, артериолалар мен капиллярлардың аурулары	I 70 - I79
11-тарау. Тыныс алу ағзаларының аурулары		
54	II - III дәрежелі II - III дәрежелі өкпе функциясының жеткіліксіздігі бар төменгі тыныс алу жолдарының созылмалы аурулары	J43 - J47
55	II-III дәрежелі өкпе-жүрек функцияларының жеткіліксіздігі бар сыртқы агенттер тудыратын өкпе аурулары.	J60 - J70, J84
12-тарау. Ас қорыту ағзаларының аурулары		
56	Асқыну, декомпенсация сатысындағы асқазан-ішек жолдарының аурулары.	K20 - K77
57	Жіті панкреатит	K85
58	Ұйқы безінің басқа аурулары	K86
13-тарау. Тері және тері асты жасушаларының аурулары		
59	Асқыну сатысындағы жүйелі дерматоздар	L10 - L14, L98
60	Кәдімгі псориаз	L40.1
14-тарау. Сүйек-бұлшықет жүйесі мен дәнекер тін аурулары		
61	II - III дәрежелі ағзалар функциясының бұзылуымен дәнекер тіннің жүйелі зақымдануы	M30 - M36
62	Омыртқа, қабырға, II-III сатыдағы НЖФ-мен ірі буын қозғалғыштығы шектелген спондилопатиялар	M45 - M49
15-тарау. Несеп-жыныс жүйесінің аурулары		
63	Бүйрек функциясының созылмалы жеткіліксіздігі бар несеп-жыныс жүйесінің аурулары	N00 - N99
16-тарау. Туа біткен ауытқулар (даму), деформациялар және хромосомалық бұзылулар		

64	Декомпенсация немесе асқыну сатысындағы қанайналым жүйесінің туа біткен ауытқулары (даму кемістіктері)	Q20 - Q28
65	Декомпенсация немесе асқыну сатысындағы тыныс алу ағзаларының туа біткен ауытқулары (даму кемістіктері)	Q30 - Q34
66	Декомпенсация немесе асқыну сатысындағы ас қорыту ағзаларының туа біткен ауытқулары (даму кемістіктері)	Q38 - Q45
67	Декомпенсация немесе өршу сатысындағы жыныс мүшелерінің туа біткен ауытқулары (даму кемістіктері)	Q50 - Q56
68	Декомпенсация немесе өршу сатысындағы несеп жүйесінің туа біткен ауытқулары (даму)	Q60 - Q64
69	Туа біткен ауытқулар (даму кемістіктері) және декомпенсация немесе өршу сатысындағы сүйек-бұлшықет жүйесінің қисаюлары	Q65 - Q79
70	Декомпенсация немесе өршу сатысындағы басқа да туа біткен ауытқулар (даму кемістіктері)	Q80 - Q89
17-тарау. Жарақаттар, улану және сыртқы себептер әсерінің басқа да салдары		
71	Ауыстырып салынған ағзалар мен тіндердің өлуі және қабылданбауы	T86

Ескертпе: осы психикаға белсенді әсер ететін заттарды (бұдан әрі – ПБЗ) тұтынумен байланысты психикалық, мінез құлықтық бұзылушылықтары (аурулары) (бұдан әрі-ПМБ) бар адамдардағы медициналық қарсы көрсетілімдердің тізбесі ПБЗ тұтынумен байланысты ПМБ бар адамдарды психикалық денсаулық саласында медициналық көмек көрсететін ұйымдардағы мәжбүрлеп емдеу бөлімшелеріне қолданылады.